

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 28 MAC 2016, PUKUL 10.00 PAGI

Bil. 13

PERTANYAAN-PERTANYAAN BAGI JAWAB LISAN

1. PR-1341-L73360
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah langkah-langkah Kerajaan untuk mengatasi penipuan-penipuan yang sering berlaku kepada pembeli-pembeli atas talian memandangkan perniagaan *online* meningkat empat kali ganda sejak 3 tahun lalu.
2. PR-1341-L72493
Dr. Ong Kian Ming [Serdang] minta **MENTERI WILAYAH PERSEKUTUAN** menyatakan status terkini projek River of Life, jumlah kos yang telah dibelanjakan setakat ini untuk membersihkan sungai, membuat landscaping, membina infrastruktur dan jumlah tanah di tebing sungai yang telah dijual.
3. PR-1341-L73198
Datuk Rozman bin Isli [Labuan] minta **MENTERI SUMBER ASLI DAN ALAM SEKITAR** menyatakan sejauh manakah penguatkuasaan kegagalan memohon hak milik strata boleh dilaksanakan bagi kes-kes yang melibatkan masalah tanah selepas Akta A 1450 berkuatkuasa. Adakah Kementerian akan menambahbaik undang-undang tersebut.
4. PR-1341-L72635
Puan Nurul Izzah binti Anwar [Lembah Pantai] minta **PERDANA MENTERI** menyatakan rasional pemotongan empat program biasiswa JPA antara 20 hingga 60% serta jumlah yang terjejas akibat pemotongan biasiswa JPA.
5. PR-1341-L72751
Tuan Che Mohamad Zulkifly bin Jusoh [Setiu] minta **MENTERI PERTANIAN DAN INDUSTRI ASAS TANI** menyatakan sejauhmanakah keberkesanan Kempen Pertanian Bandar yang telah dijalankan dalam mengurangkan kos sara hidup.

6. PR-1341-L72352
Dr. Hajah Siti Mariah binti Mahmud [Kota Raja] minta **MENTERI PENDIDIKAN** menyatakan dengan terperinci program DLP yang telah diarahkan kepada sekolah-sekolah dan apakah perbezaannya program ini dengan PPSMI.
7. PR-1341-L72442
Datuk Ikmal Hisham bin Abdul Aziz [Tanah Merah] minta **MENTERI SUMBER ASLI DAN ALAM SEKITAR** menyatakan apakah pendapat Kementerian atas spekulasi bahawa beberapa kawasan di sepanjang pantai Malaysia akan tenggelam disebabkan kenaikan aras laut menjelang tahun 2020 dan apakah langkah berjaga-jaga Kementerian sekiranya kajian tersebut benar.
8. PR-1341-L71887
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan langkah-langkah yang diambil terhadap pekerja yang diberhentikan akibat kegawatan ekonomi pada waktu ini.
9. PR-1341-L71954
Dr. Mansor bin Abd Rahman [Sik] minta **MENTERI PENDIDIKAN** menyatakan apakah pendekatan yang digunakan dalam memastikan kestabilan dan keharmonian di peringkat sekolah terus diperkukuhkan supaya krisis atau sentimen perkauman tidak berlaku.
10. PR-1341-L72195
Puan Hajah Zuraida binti Kamaruddin [Ampang] minta **MENTERI PERDAGANGAN ANTARABANGSA DAN INDUSTRI** menyatakan apakah sebarang perubahan boleh dilakukan dalam perjanjian TPPA sekiranya mendatangkan lebih banyak keburukan dari kebaikan bagi rakyat Malaysia.
11. PR-1341-L71923
Datuk Linda Tsen Thau Lin [Batu Sapi] minta **MENTERI KESIHATAN** menyatakan langkah-langkah pengawalan demam denggi selepas lebih daripada 30 tahun penyakit ini cuba dikawal dan keperluan untuk bertindak dan berfikir di luar kebiasaan 9 tindakan (*outside the box*) untuk mengawal penyakit ini yang telah dilaporkan bertambah buruk baru-baru ini.
12. PR-1341-L73202
Dato' Seri Abdul Hadi bin Awang [Marang] minta **MENTERI PENDIDIKAN TINGGI** menyatakan apakah usaha Kerajaan Malaysia ke arah meningkatkan kualiti dan kedudukan universiti tempatan agar mampu menyaingi universiti terkemuka di peringkat dunia.
13. PR-1341-L73125
Datuk Liang Teck Meng [Simpang Renggam] minta **MENTERI KESIHATAN** menyatakan berapakah jumlah kesalahan yang direkodkan dan diadapakan di mahkamah serta dikenakan hukuman di bawah Peraturan 11(1) Peraturan-peraturan Kawalan Hasil Tembakau 2004 merokok di kawasan larangan sejak dikuatkuasakan sehingga Januari 2016 dan berapakah angka kematian yang dicatat akibat daripada kegiatan merokok.

14. PR-1341-L72124
Dr. Ko Chung Sen [Kampar] minta **MENTERI PENDIDIKAN** menyatakan :-
- (a) sama ada Kementerian telah mengkaji kebaikan dan keburukan menukar warna kasut sekolah daripada warna putih kepada warna hitam; dan
 - (b) jumlah masa dan wang yang boleh diijamatkan sekiranya bertukar ke kasut warna hitam dari mencuci kasut putih yang senang nampak kotorannya.
15. PR-1341-L72329
Dato' Haji Zainudin bin Ismail [Jelebu] minta **PERDANA MENTERI** menyatakan adakah Kementerian bercadang mengkaji semula untuk menurunkan harga tambang pengangkutan awam seperti bas, teksi, LRT dan kereta api agar selari dengan penurunan harga minyak di pasaran.
16. PR-1341-L73168
Tuan Ahmad Baihaki bin Atiqullah [Kubang Kerian] minta **PERDANA MENTERI** menyatakan apakah usaha yang telah dijalankan untuk menangani masalah perbezaan pandangan dan mazhab seperti Wahabi, Syiah dan lain-lain, yang boleh mencetuskan tuduhan-tuduhan yang melampau sehingga membabitkan fahaman ekstrem dalam beragama.
17. PR-1341-L72961
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan :-
- (a) kutipan GST dari bulan April hingga Disember 2015; dan
 - (b) anggaran kutipan bersih GST tahun 2016.
18. PR-1341-L72909
Tuan Sim Chee Keong [Bukit Mertajam] minta **PERDANA MENTERI** menyatakan butiran lanjut termasuk pecahan projek serta kos setiap projek dari 2011-2015 bagi peruntukan berikut di JPM: Projek Kemiskinan (Butiran 00102), Penyusunan Semula Masyarakat (00104), Program Pembangunan (00108), Pembangunan Lima Koridor (00113) Projek Khas (93500), Projek Mesra Rakyat (93600), Dana fasilitasi (97000).
19. PR-1341-L72248
Tan Sri Datuk Seri Panglima Annuar bin Musa [Ketereh] minta **MENTERI BELIA DAN SUKAN** menyatakan kesediaan atlet Malaysia yang layak ke Sukan Olimpik Rio 2016 dan apakah sasaran Kementerian dalam penyertaan Malaysia ke sukan berkenaan.
20. PR-1341-L73374
Dato' Dr. Nik Mazlan bin Nik Mohamad [Pasir Puteh] minta **PERDANA MENTERI** menyatakan penjelasan mengenai cadangan memansuhkan pinjaman dan biasiswa JPA kepada mahasiswa yang ingin melanjutkan pelajaran di luar negara.

21. PR-1341-L73264
Dato Sri Dr. Muhammad Leo Michael Toyad Abdullah [Mukah] minta **MENTERI PERUSAHAAN PERLADANGAN DAN KOMODITI** menyatakan apakah perubahan yang positif dalam dagangan Komoditi Sawit dan Getah dalam perlaksanaannya Trans Pacific Partnership Agreement.
22. PR-1341-L73465
Tuan Wong Ling Biu [Sarikei] minta **PERDANA MENTERI** menyatakan berapakah jumlah peruntukan akan diberikan kepada Suruhanjaya Pilihan Raya untuk pilihan raya negeri Sarawak yang akan datang. Berapakah jumlah peruntukan yang telah digunakan dalam pilihan raya negeri Sarawak yang lepas.
23. PR-1341-L71902
Tuan Anuar bin Abd. Manap [Sekijang] minta **MENTERI PENDIDIKAN TINGGI** menyatakan langkah-langkah kerjasama yang diambil antara pihak Kementerian Pendidikan Tinggi dan Kementerian Pendidikan bagi memastikan Pelan Pembangunan Pendidikan Malaysia (PPPM) di peringkat persekolahan (rendah dan menengah) adalah selari dengan matlamat PPPM peringkat pendidikan tinggi.
24. PR-1341-L73022
Tuan Wong Sze Phin @ Jimmy [Kota Kinabalu] minta **PERDANA MENTERI** menyatakan apakah perkembangan Jawatankuasa Kabinet Bagi Hak Tanah Adat yang diketuai oleh Timbalan Perdana Menteri untuk menangani, memantau dan melaksanakan hasil Laporan Pasukan Petugas Kerajaan yang telah ditubuhkan oleh Jemaah Menteri pada 3 Jun 2015.
25. PR-1341-L73122
Dato' Abdul Manan bin Ismail [Paya Besar] minta **MENTERI DALAM NEGERI** menyatakan langkah Kementerian dalam Program Penggajian dan penempatan Semula Pendatang Asing Tanpa Izin terutama dalam meningkatkan produktiviti Negara.
26. PR-1341-L72801
Dato' Seri Dr. Wan Azizah binti Wan Ismail [Permatang Pauh] minta **PERDANA MENTERI** menyatakan apakah faktor-faktor yang membolehkan perbincangan penurunan kuasa kepada negeri Sarawak mengikut Perjanjian Malaysia 1963 baru dimulakan sekarang setelah tertangguh selama 53 tahun dan adakah faktor utama akibat daripada kelemahan kuasa politik Kerajaan sekarang atau adakah kerana sebelum ini rakyat negeri Sarawak belum bersedia, dan jika benar minta nyatakan apakah perkara-perkara itu.
27. PR-1341-L72848
Ir. Shaharuddin bin Ismail [Kangar] minta **MENTERI DALAM NEGERI** menyatakan apakah langkah dan rancangan segera Kementerian untuk mengatasi masalah isu pemerdagangan manusia di semua pintu masuk negara dan apakah pelan tindakan kerjasama antara agensi-agensi yang diadakan bagi perlindungan serta bantuan kepada mangsa pemerdagangan dan penyeludupan.

28. PR-1341-L72088
Raja Dato' Kamarul Bahrin Shah [Kuala Terengganu] minta **MENTERI SUMBER ASLI DAN ALAM SEKITAR** menyatakan adakah Kemeterian memantau keperluan kajian alam sekitar dalam kerja-kerja penambakan kawasan pantai dan memastikan kerja mengikut peraturan ditetapkan (*sequence*) apabila dilaksanakan.
29. PR-1341-L72334
Datuk Noor Ehsanuddin bin Mohd Harun Narrashid [Kota Tinggi] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah langkah-langkah Kementerian dalam melindungi hak milik harta intelek.
30. PR-1341-L72034
Tuan Hee Loy Sian [Petaling Jaya Selatan] minta **MENTERI PENGANGKUTAN** menyatakan :-
- (a) status baikpulih kawasan parkir kapal terbang KLIA2 yang terjejas akibat mendap takungan air dan jumlah kos yang terlibat; dan
 - (b) bentuk tindakan terhadap kontraktor asal yang gagal menjalankan kerja-kerja baikpulih permasalahan di atas.
31. PR-1341-L73296
Dato' Hasan bin Arifin [Rompin] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan secara anggaran kasar jumlah minyak diesel, Ron 95 dan Ron 97 yang dibeli oleh warga asing pada tahun 2013, 2014 dan 2015.
32. PR-1341-L73560
Tuan Charles Anthony Santiago [Klang] minta **PERDANA MENTERI** menyatakan kesudian Kerajaan untuk menggubalkan "*Prime Minister Council for Minority Rights*" untuk menjadi panduan serta melindungi kepentingan golongan minoriti di Malaysia daripada diskriminasi kaum dan agama. Bilakah undang-undang baru ini akan digubalkan.
33. PR-1341-L72873
Datuk Hajah Norah binti Abd Rahman [Tanjong Manis] minta **MENTERI SUMBER ASLI DAN ALAM SEKITAR** menyatakan sama ada projek penebatan banjir (*flood mitigation*) di Kuching berkesan dalam menghadapi banjir yang terkini dan apakah ianya perlu ditambah daripada segi nilai peruntukan atau dikembangkan untuk meliputi lebih banyak kawasan.
34. PR-1341-L72409
Tuan Liew Chin Tong [Kluang] minta **MENTERI SUMBER ASLI DAN ALAM SEKITAR** menyatakan mengapa tiada tindakan diambil terhadap operator *incinerator* Pangkor dan Cameron Highland yang tidak mematuhi piawaian menyebabkan perlepasan gas toksik dan pencemaran (*leachate*) berterusan.

35. PR-1341-L72283
Dato' Takiyuddin bin Hassan [Kota Bharu] minta **MENTERI KEWANGAN** menyatakan langkah proaktif Kerajaan bagi berhadapan dengan *trend* kejatuhan harga minyak global yang masih berterusan bagi mengelakkan impak yang lebih besar kepada ekonomi negara.
36. PR-1341-L71747
Datuk Zahidi bin Zainul Abidin [Padang Besar] minta **MENTERI SAINS, TEKNOLOGI DAN INOVASI** menyatakan :-
- (a) kedudukan Malaysia dalam Indeks Inovasi Dunia; dan
 - (b) apakah program dan langkah-langkah proaktif bagi menanamkan Budaya Inovasi dan Kreatif kepada penduduk luar bandar supaya mereka tidak tertinggal dan dapat bersaing sehingga ke peringkat global dari sudut peningkatan produktiviti dan perekonomian keluarga masing-masing.
37. PR-1341-L72153
Tuan Idris bin Haji Ahmad [Bukit Gantang] minta **MENTERI DALAM NEGERI** menyatakan berapakah bilangan warga asing yang diberi kerakyatan Malaysia sejak negara merdeka mengikut negara asal dan berapakah bilangan yang telah ditarik kembali kerakyatan mereka
38. PR-1341-L73394
Dato' Fauzi bin Abdul Rahman [Indera Mahkota] minta **MENTERI KEWANGAN** menyatakan apakah rasionalnya rasionalisasi Belanjawan Negara dengan mengurangkan perbelanjaan bagi dua sektor terpenting, iaitu Kementerian Pengajian Tinggi dan Kementerian Kesihatan. Pemotongan seperti ini tidak pernah berlaku di peringkat awal tahun (iaitu bulan Januari lagi) di dalam sejarah negara sejak merdeka dan apakah Kerajaan sedar bahawa orang-orang miskin dan masyarakat berpendapatan rendah sangat-sangat terjejas dan terkilan dalam pemotongan ini.
39. PR-1341-L73326
Dato' Othman bin Aziz [Jerlun] minta **MENTERI DALAM NEGERI** menyatakan apakah sasaran dan impak jangka masa panjang apabila Kementerian mengambil langkah penyusunan semula kadar levi pekerja asing khususnya kadar levi baru bernilai RM1500 untuk pekerja dalam sektor ladang dan pertanian.
40. PR-1341-L72023
Puan Hajah Fuziah binti Salleh [Kuantan] minta **MENTERI DALAM NEGERI** menyatakan mengapa pihak media atas talian seperti MalaysiaKini, dan The Malaysian Insider dihalang membuat liputan di Kementerian Dalam Negeri walaupun mereka ada permit media yang sah.

41. PR-1341-L72527
Dato' Haji Irmohizam bin Haji Ibrahim [Kuala Selangor] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sejauh manakah Kementerian bercadang untuk mengkaji semula kenaikan elaun anggota Jabatan Bomba dan Penyelamat Malaysia (JBPM) yang mana ini adalah bersesuaian dan bertepatan dengan tugas anggotanya yang kini semakin mencabar.
42. PR-1341-L72175
Dato' Ahmad Fauzi bin Zahari [Setiawangsa] minta **MENTERI PENGANGKUTAN** menyatakan apakah status terkini dan tindakan susulan yang akan dilakukan oleh Kementerian selepas laporan terhadap nahas MH17 dikeluarkan pada 13 Oktober 2015 yang lalu.
43. PR-1341-L73298
Dato' Dr. Tan Kee Kwong [Wangsa Maju] minta **MENTERI SUMBER MANUSIA** menyatakan adakah wujud sebarang saringan terhadap 1.5 juta warga Bangladesh yang akan ke Malaysia.
44. PR-1341-L72820
Datuk Raime bin Unggi [Tenom] minta **MENTERI DALAM NEGERI** menyatakan keberkesanan pasukan *Special Task Force For Anti Vice, Gaming and Gangsterism (STAGG)* terutama dalam hal menangani masalah perjudian dalam negara.
45. PR-1341-L72940
Tuan Ignatius Dorell Leiking [Penampang] minta **MENTERI DALAM NEGERI** menyatakan jika satu daripada cadangan untuk menyelesaikan masalah keraguan kad-kad pengenalan yang ada (ataupun dikeluarkan kepada warga Sabah) di Sabah adalah untuk menarik balik kad-kad pengenalan tersebut di Sabah dan mengeluarkan balik kad pengenalan baru kepada warga Sabah yang sah dan layak.
46. PR-1341-L72927
Tuan Mohd Rafizi bin Ramli [Pandan] minta **MENTERI KEWANGAN** menyatakan bantuan kewangan (sama ada pinjaman mudah, geran dan lain-lain) yang pernah diluluskan Kerajaan Persekutuan kepada pemegang-pemegang konsesi lebuhraya dari tahun 2000 hingga 2015 (diperincikan berasingan mengikut penerima, jumlah bantuan dan rumusan syarat).
47. PR-1341-L72745
Dr. Ismail bin Daut [Merbok] minta **MENTERI PEMBANGUNAN WANITA, KELUARGA DAN MASYARAKAT** menyatakan bilangan terkini individu dan keluarga di bawah sistem eKASIH serta apakah inisiatif Kementerian bagi memastikan golongan ini mampu keluar daripada terus berada di bawah program ini pada masa hadapan.

48. PR-1341-L71679
Dr. Che Rosli bin Che Mat [Hulu Langat] minta **MENTERI SUMBER ASLI DAN ALAM SEKITAR** menyatakan usaha-usaha terkini dalam mengekal flora dan fauna di Malaysia selepas Perjanjian TPPA ditandatangani terutama daripada aspek perundangan dan sumber manusia dalam menguatkuasa perundangan.
49. PR-1341-L71714
Dato' Kamarul Baharin bin Abbas [Telok Kemang] minta **MENTERI KEWANGAN** menyatakan :-
- (a) bentuk perancangan Kerajaan dalam menguruskan dana penjimatan subsidi petroleum yang diperoleh sebanyak RM 15 bilion pada tahun 2015; dan
 - (b) apakah tidak terdapat usaha-usaha serta strategi bentuk lain dalam mengurangkan bebanan kewangan Kerajaan selain daripada mengurangkan subsidi terhadap barangan keperluan rakyat.
50. PR-1341-L72654
Tuan Gobind Singh Deo [Puchong] minta **PERDANA MENTERI** menyatakan bilangan Timbalan Pendakwa Raya (mengikut negeri) dan bilangan Timbalan Pendakwa Raya yang meninggalkan perkhidmatan tersebut sejak 2014.
51. PR-1341-L73340
Tuan Wong Chen [Kelana Jaya] minta **MENTERI KEWANGAN** menyatakan semua harta aset milik Kumpulan Wang Simpanan Pekerja (KWSP) di London pada 31hb Disember 2014 berbanding dengan aset yang dimiliki pada 31hb Disember 2015.
52. PR-1341-L72523
Tuan Ramkarpal Singh a/l Karpal Singh [Bukit Gelugor] minta **PERDANA MENTERI** menyatakan apakah maklumat yang diminta oleh Peguam Negara Switzerland kepada Peguam Negara Malaysia berkenaan siasatan Peguam Negara Switzerland tersebut terhadap satu kes yang berkaitan dengan 1MDB dan sama ada Peguam Negara Malaysia telah pun bekerjasama untuk membekalkan maklumat tersebut kepada Peguam Negara Switzerland.
53. PR-1341-L71702
Laksamana Pertama Mohamad Imran bin Abd Hamid (B) [Lumut] minta **MENTERI PENDIDIKAN** menyatakan apakah status dan tindakan yang telah dilakukan ke atas Laporan Jawatankuasa Kira-Kira Wang Negara (PAC) mengenai Pengurusan Pembinaan Kampus Sultan Azlan Shah (DR 8 Tahun 2014) dan Pengurusan Perkhidmatan di Institusi Pendidikan / Sekolah (DR 4 Tahun 2014).

54. PR-1341-L72255
Dato' Hasbullah bin Osman [Gerik] minta **MENTERI SUMBER ASLI DAN ALAM SEKITAR** menyatakan selain daripada projek tebatan banjir, apakah mekanisme baru dan langkah-langkah khusus yang diambil Kerajaan untuk mengatasi masalah banjir bagi tempoh jangka panjang.
55. PR-1341-L73075
Tuan Mohamed Hanipa bin Maidin [Sepang] minta **PERDANA MENTERI** menyatakan :-
- (a) adakah Kerajaan bersedia menggubal Akta Kebebasan Maklumat (*Freedom of Information Act*) bagi memastikan urus tadbir Kerajaan lebih telus dan bertanggungjawab; dan
 - (b) jika ya, bila akan digubal dan jika tidak mengapa Kerajaan enggan menggubal Akta seperti itu.
56. PR-1341-L73508
Dato' Kamarudin bin Jaffar [Tumpat] minta **MENTERI LUAR NEGERI** menyatakan apakah sikap Malaysia terhadap percubaan-percubaan letupan bom nuklear dan pelancaran senjata peluru berpandu oleh Korea Utara.
57. PR-1341-L73178
Tuan Lim Guan Eng [Bagan] minta **MENTERI SUMBER ASLI DAN ALAM SEKITAR** menyatakan jumlah kerugian yang ditanggung akibat kejadian jerebu tahun lalu. Apakah status perjanjian rasmi yang ditandatangani dan macam mana ia boleh dilaksanakan untuk mengelakkan bencana tersebut berulang tahun ini serta tindakan oleh Kerajaan Malaysia ke atas syarikat-syarikat yang menyebabkan pembakaran haram di Indonesia.
58. PR-1341-L73477
Dr. Mohd Hatta bin Md. Ramli [Kuala Krai] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) apakah rasional Kerajaan menetapkan syarat bahawa rumah di bawah harga RM300 ribu hanya boleh dibeli oleh mereka berpendapatan rendah sahaja; dan
 - (b) adakah masalah tersebut menyebabkan pemaju menaikkan harga melebihi RM300 ribu supaya lebih ramai yang boleh membeli. Apakah langkah Kerajaan mengelakkan ini berlaku.
59. PR-1341-L72080
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KEWANGAN** menyatakan potensi peningkatan keuntungan GLICs dan GLCs supaya mampu meningkatkan bayaran dividen lebih tinggi bagi mengimbangi impak penurunan pendapatan industri minyak dan gas ke atas hasil Kerajaan Persekutuan serta kewajipan mewajibkan mereka melaporkan prestasi kewangan dan operasi di Parlimen.

60. PR-1341-L72291
Tuan Jeff Ooi Chuan Aun [Jelutong] minta **MENTERI DALAM NEGERI** menyatakan kenapa PDRM gagal membuat tangkapan jenayah terhadap Dato' Dr. Hussaini bin Yaacob yang telah menggunakan pedang samurai untuk mengancam nyawa pasukan penguatkuasa Majlis Perbandaran Seberang Perai (MPSP) dalam kes meruntuhkan bangunan tanpa kebenaran bertarikh 4 Februari 2016 di alamat No. 1 & 3, Persiaran Bertam 7/1, Penang Golf Resort, Mk 6, Kepala Batas.
61. PR-1341-L72458
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI TENAGA, TEKNOLOGI HIJAU DAN AIR** menyatakan punca purata penggunaan air bagi seorang individu di negara ini mencecah 300 liter sehari iaitu melebihi kadar 165 liter sehari yang ditentukan oleh PBB pada 2010, sama ada kerana sikap membazir rakyat di negara ini atau terdapat faktor-faktor lain.
62. PR-1341-L72968
Tuan Nga Kor Ming [Taiping] minta **PERDANA MENTERI** menyatakan secara terperinci mengenai projek Lebuhraya JELAS sepanjang 166km dari Ipoh hingga ke Pulau Pinang termasuk jumlah kos terlibat, jangka masa siap, tempoh kutipan tol dan syarikat pembinaan yang terlibat.
63. PR-1341-L73092
Tuan William Leong Jee Keen [Selayang] minta **MENTERI SUMBER MANUSIA** menyatakan dasar jangka pendek dan panjang Kerajaan terhadap buruh asing dan pekerja migran berikutan cadangan untuk membawa 1.5 juta pekerja Bangladesh ke Malaysia.
64. PR-1341-L72568
Tuan V. Sivakumar [Batu Gajah] minta **MENTERI PENDIDIKAN** menyatakan status pembinaan sebuah sekolah Tamil yang dijanjikan di Taman Kaya, Taiping. Berapakah jumlah peruntukan yang telah disediakan oleh Kerajaan untuk sekolah ini. Bilakah kerja-kerja pembinaan akan bermula dan tempoh jangka siap projek ini.
65. PR-1341-L73188
Tuan Wong Tien Fatt @ Wong Nyuk Foh [Sandakan] minta **MENTERI TENAGA, TEKNOLOGI HIJAU DAN AIR** menyatakan perancangan Kerajaan untuk membina loji penjanakuasa baru diseluruh Negeri Sabah dalam Rancangan Malaysia Kesebelas bagi pecahan mengikut tempat lokasi loji, kuasa yang akan dijana dan jenis loji-loji.
66. PR-1341-L71708
Dato' Haji Abdul Rahman bin Haji Mohamad [Lipis] minta **MENTERI KOMUNIKASI DAN MULTIMEDIA** menyatakan usaha bagi merapatkan jurang digital antara kawasan bandar dan luar bandar sekaligus membudayakan teknologi komunikasi dalam masyarakat luar bandar.

67. PR-1341-L73408
Tuan Haji Khalid bin Abdul Samad [Shah Alam] minta **PERDANA MENTERI** menyatakan adakah Kerajaan berhasrat memberhentikan pemberian biasiswa JPA untuk pelajar-pelajar melanjutkan pelajaran ke universiti tempatan dan luar negara.
68. PR-1341-L71662
Dato' Wira Othman bin Abdul [Pendang] minta **MENTERI PERUSAHAAN PERLADANGAN DAN KOMODITI** menyatakan mengapa Kerajaan tidak boleh menetapkan harga lantai untuk getah Malaysia. Apakah langkah terdekat untuk membantu pekebun-pekebun getah yang harga getah telah merudum sekarang.
69. PR-1341-L73633
Datuk Abd Rahim bin Bakri [Kudat] minta **MENTERI DALAM NEGERI** menyatakan apakah langkah-langkah tambahan yang telah diambil oleh Agensi Keselamatan Malaysia bagi memastikan negara ini selamat daripada ancaman pengganas seperti mana kejadian yang berlaku di Jakarta Indonesia baru-baru ini.
70. PR-1341-L72408
Dato' Mohd Ariff Sabri bin Abdul Aziz [Raub] minta **MENTERI KEWANGAN** menyatakan :-
- (a) bagaimanakah kedudukan wang RM42 juta SRC dan adakah ia telah dikembalikan kepada SRC; dan
 - (b) bagaimana wang dari SRC ini dijeniskan, adakah pelaburan atau sumbangan.

ATURAN URUSAN MESYUARAT DAN USUL-USUL

- | | | | |
|----|---------------|---|-----------------------------------|
| 1. | (D.R. 2/2016) | Rang Undang-undang Perbekalan
Tambahan (2015) 2016 | Bacaan Kali
Yang Kedua |
|----|---------------|---|-----------------------------------|

DAN

Menteri Kewangan akan mencadangkan :-

"Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa jumlah wang tambahan sebanyak tiga ratus sembilan puluh satu juta empat ratus enam puluh ringgit (RM391,000,460) diperuntukkan daripada Kumpulan Wang Pembangunan bagi tahun kewangan 2015 bagi Maksud dan Butiran (Projek) seperti yang dinyatakan dalam ruang pertama dan kedua penyata Anggaran Perbelanjaan Pembangunan Tambahan Pertama 2015 yang dibentangkan sebagai Kertas Perintah 3 Tahun 2016 dan yang disenaraikan di sebelah Maksud dan Butiran (Projek) dalam ruang sembilan dan sepuluh penyata tersebut."

- | | | | |
|----|----------------|---|-----------------------------------|
| 2. | (D.R. 36/2015) | Rang Undang-undang Keselamatan Sosial
Pekerja (Pindaan) 2015 | Bacaan Kali
Yang Kedua |
|----|----------------|---|-----------------------------------|

[Menteri Sumber Manusia]

- | | | | |
|----|----------------|----------------------------------|---|
| 3. | (D.R. 30/2015) | Rang Undang-undang Syarikat 2015 | “ |
|----|----------------|----------------------------------|---|

**[Menteri Perdagangan Dalam Negeri,
Koperasi dan Kepenggunaan]**

- | | | | |
|----|----------------|--|---|
| 4. | (D.R. 29/2015) | Rang Undang-undang Skim Kepentingan
2015. | “ |
|----|----------------|--|---|

**[Menteri Perdagangan Dalam Negeri,
Koperasi dan Kepenggunaan]**

- | | | | |
|----|----------------|--|---|
| 5. | (D.R. 34/2015) | Rang Undang-undang Dadah Berbahaya
(Langkah-Langkah Pencegahan Khas)
(Pindaan) 2015. | “ |
|----|----------------|--|---|

[Menteri Dalam Negeri]

- | | | | |
|----|----------------|--|---|
| 6. | (D.R. 37/2015) | Rang Undang-undang Profesion
Undang-undang (Pindaan) 2015 | “ |
|----|----------------|--|---|

[Menteri di Jabatan Perdana Menteri]

7. (D.R. 39/2015) Rang Undang-undang Kanak-Kanak “
(Pindaan) 2015
[Menteri Pembangunan Wanita, Keluarga dan Masyarakat]
8. (D.R.9/2015) Rang Undang-undang Kanun Tatacara “
Jenayah (Pindaan) 2015
[Menteri di Jabatan Perdana Menteri]
9. (D.R.12/2015) Rang Undang-undang Keterangan “
(Pindaan) 2015
[Menteri di Jabatan Perdana Menteri]
10. (D.R.1/2016) Rang Undang-Undang Bekalan Gas “
(Pindaan) 2016
[Menteri di Jabatan Perdana Menteri]
11. (D.R.35/2015) Rang Undang-undang Persaingan “
(Pindaan) 2015
[Menteri Perdagangan Dalam Negeri, Koperasi dan Kepenggunaan]

12. PR-1341-U72985
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebihan dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

13. PR-1341-U73002

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk kesejahteraan rakyat yang menggunakan laluan tersebut."

[Menteri Kerja Raya]

14. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia."

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

15. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahwa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

16. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

17. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

18. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

19. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

20. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

21. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia."

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

22. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

23. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak aspek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

24. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

25. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

26. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

27. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

28. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

29. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]